

Geesimeraana do Janba

Natalindaana : Wiehan de Jager

Maali xaranyinfanan minisitirinkan da ke kitaabe
bakken naamari.

Minisiritirinka ke golliranka AMALAN da a nuxudufoonun
segesege.

Soninke
Mali

Copyright © 2021, SIL LEAD Inc. et International



<http://creativecommons.org/licenses/by/4.0/>

Cette création peut être utilisée à des fins commerciales. Cette création peut être adaptée ou complétée. Les mentions relatives aux droits d'auteur, d'illustrateur, etc. doivent être conservées.

Yillandaano : AMALAN (Ncanba Silla do Sixina Saaxo).

Sefexanne : Muusa Hanmadi Jara.

Adapté de l'original, *Anansi and Vulture*, Copyright © 2014, African Storybook Initiative. Sous licence CC BY 4.0.

Xawaranaaxunde, *Anansi and Vulture*, Copyright © 2014, African Storybook Initiative. Licence CC BY 4.0.

www.africanstorybook.org

Ke kitaabe dabari ti do ke leminaxaranfedde kappalenmon deemanden saabu danja ya ken ga ni All Children Reading: A Grand Challenge for Development (ACR GCD): United States Agency for International Development (USAID), World Vision do Australian Government a do kitaabinfedde Global Book Alliance. SIL LEAD, Inc. yan da golle ke dabari, xa ku kappanlenkafonu ACR GCD do kitaabinfedde Global Book Alliance sinmayun feti. Sere su nda ke kitaabe yilla ti a moxonma su ya, kafo ACR GCD fo yillante feti, a do xa juumeyu beenu nda wari a noxon di, kafo ke batte feti.



**GLOBAL BOOK
ALLIANCE**



USAID
DU PEUPLE AMERICAIN

World Vision

**Australian
Aid**



Geesimeraana do kanjaane ni menjanngun ya yi. I ni debe laxafiyante di giden kanma.

Galli xoore ni kanjaane maxa janqilaadon do yittirenmun gabun ga a noxon ɗa. Kanjaane da i nuxudunxullaaxun su ja katta i menjanngen ɗa, ken ma geesimeraana fata suuxuye yi.



Ken ɗa, geesimeraana da feera bure sinma i ga n katta kanjaane gallen ragana a yi moxo be ya. Wuccinne kanjaane yille tanpiyen di hari wuyira nta a maxa. Geesimeraana ɗa bannan ɗa ti Kanjaane ɗiijen do i nuxudufoonun ɗa.



Geesimeraana daga i yittirenmun do i janqilaadonun gaaga saxan di. A ga da xaalisi be kita, ken wa kande fakka. A da makka xobo i koren da ti xaalisi buccinne yi.

A da a saxundi xaalisin kутten kanma kanden noxon di.



Geesimeraana da i kan killen raga yokken wa a yinmen di, a wa suugunu. A wa a kanma nan sinme i ga n xawa fo wo fo su xobono ti i xaaIisin ŋa.



Killen di, kanmen da a fina. Ken lagarun
na ji xoo-re ya. Geesimeraana da i yokkun
wara killen kaara baanen ŋa, yitti xoo-re
wure. A taaxunten yaaxen na kande ke
ya yi.



Kanmen texe ma geesimeraana faten ga safini nan muro. Ken di, a wuru katta kunme yi nan ti du danja.

« N wa toqo ke kunme di ma kanmen ga n kuti, a nda ja moxo wo moxo, makka ke wa roono in goden do jin naxa. »



Wucce ga dangi, janba da yokken wari taaxunu killin tatten ɗa.

A da makkan do xaaɓin wari kande ke noxon ɗa. A da i kanpun bifindi kanden kanma saado kanmen ga sikki.



Geesimeraana da janba wari taaxunu i kanden kanma. A ti janba danja : « Nuwaari in menjannen an ga da in kanden tanga. »

Janba ti : « Geesimeraana an haqutoxo, an ra wa saagene an digaame ke yi ba ? An kanden ba ? »

Ke ni in ke xallen ya yi. N da a ji killen kaara baanen ja. Geesimeraana ma saxu a yi.

A saage tini : « N ke xallen ya ni. »



Geesimeraana butunten daga fayiyen moxon ko yinmanken danja. Janba ti yinmanken do xirisun danja, « Ko n katta kande fakka xalisi do makka walla killinxannen na koroosinda ga nta a yi ? »

Geesimeraana ti : « N ke yaaxen ji in kanden na an ga riini dinma be. »

Janba ti : « N ji kande ke koroosini ma biranbe an ga riini ti an xallen ya ni. »



Yinmanken do xirisun ga da sefaanon filli terinka, i da a muuru i maxa i nan laato i ya.

Xirisun da me wari wucci laate noxo ya fi ke kanma. Ken falle, i gemu fo baane kanma.



I da geesimeraana do janba xiri. I ti i danja : « Janba tonjun wa an maxa, an feti fayaana yi. Geesimeraana an sigi do fo yi an xalle ga feti ke be yi. » Geesimeraana ma saxu a yi, a xusa wu.



Geesimeraana jaragindi xibaaren sanqi do fanken ɗa. A daganten taron wa kanjaane soyixannen ɗa.

Kanjaane yille katta i ten ɗa nan jokki do i janqiladonun do i yittirenmun soxoyen ɗa. Xa, geesimeraana kori xadi, menjanɗen ntaxa a maxa.



